



AWA PA IRIGASHON PA HOTELNAN, KUNUKERONAN I HORTIKULTORNAN

E proyekto di kloaka ta produsí awa sushi purifiká ku nos ta resiklá i distribuí pa hardinnan di hotèl i pa agrikultura i hortikultura. Di e manera aki turistanan por disfrutá di e mata i flornan tropikal. I kunukeronan ta keda den disposishon kontinuo di awa pa irigashon, tambe den temporada di sekura. Pa e awa pa irigashon i su uso tin reglanan strikto. E foyeto aki pa hotèlnan, kunukeronan i hortikultornan ta duna mas informashon.

Medida temporal

Uso di e awa sushi purifiká sin mas for di e instalashonnan pa purifiká awa sushi tin riesgonan mará pa e salubridat públiko i pa nos medio ambiente. P'esei gobièrnu ta pone eksigensianan di kalidat na e awa sushi purifiká. Tambe e uso di awa pa irigashon ta mará na reglanan. Si nos tene nos na e eksigensianan i reglanan aki, nos por usa e awa pa irigashon ku tur seguridat.

Aktualmente a establese e reglanan den un akuerdo entre e distribuidó (Water en Energiebedrijf Bonaire) i e kliente. Esaki ta un areglo temporal, sperando riba un ordenansa insular spesial pa e propósito aki. Na momentu ku e ordenansa insular spesial ei drenta na vigor, gobièrnu lo introdusí un sistema di pèrmit.

Debí na e riesgonan menshoná i e kantidat limitá, no tur hende por bini na remarke pa entrega di awa pa irigashon. E awa ta solamente destiná pa hotèlnan i komplehonan di apartamento ku ta konektá riba e pipanan di awa pa irigashon i pa e kunukeronan i hortikultornan. Por usa e awa pa irigashon tambe pa parkenan den área públiko. Personanan privá no ta bini na remarke.

E petishon

Esun ku ta deseá awa pa irigashon, por akudí na e departamentu di Mantenshon i Oبرانan Públiko (anterior LVV) di e entidad públiko Boneiru. E departamentu ta situá na Kaminda Lagoen 32 (tel: 717-8836). E kolaboradónan lo yuda ku yenamentu di e formulario di petishon.

Entregá di awa pa irigashon

E Water en Energiebedrijf Bonaire N.V. (WEB), ku ta purifiká e awa sushi, tambe ta responsabel pa entregá di awa pa irigashon. Miéntras ku e instalashon speshal di awa pa irigashon no ta den

servisio ainda, WEB ta distribuí e awa ku trùk di tanki pa e hardinnan di hotèl i komplehonan di apartamentu. E trùk di tanki ta hiba e awa pa irigashon pa e agrikultor- i hortikultornan tambe. Esaki ta mará si na un kantidat mínimo di 6 m³ di awa ku nan mester tuma. Naturalmente WEB ta kobra pa esaki. Pa mas informashon por tuma kontakto telefónico ku WEB (715-8244).



Kalidat di awa pa irigashon

E awa pa irigashon mester kumpli ku eksigensianan stringente. Esei ta eksigensianan ku e Organisashon di Alimentashon i Agrikultura (Food and Agriculture Organization) di Nashonnan Uní a stipulá speshalmente pa e propósito aki. Tambe ta mantené e eksigensianan stipulá pa e Organisashon Mundial di Salú (World Health Organization).

Pa e awa irigashon ta konta e siguiente reglanan:

- e kantidat di nitrógeno (N_{tot}) den e awa pa irigashon no por ta mas ku 28 mg pa liter;
- e kantidat di fecale coliformen (f-coli) den e awa pa irigashon no por ta mas tantu ku 1.000 CFU pa 100 mililiter;
- e kantidat di kloròks (Cl) den e awa pa irigashon no por ta mas ku 250 mg pa liter;
- e konduktivitat (EC) di e awa pa irigashon no tin mag ta mas ku 2.000 μ S/cm (micro Siemens pa sentimeter).

Mas barata i mas salú

Kasi tur kuminda pa hende i bestia na Boneiru ta keda importá for di eksterior. Dor di esei e preisnan ta bira muchu mas haltu ku ora nos mes produsí e kuminda ei na Boneiru. E awa sushi purifiká ku ta disponibel ta hasi posibel ku awor na Boneiru mes por produsí mas. Na preisnan mas abou, pues esei ta bon pa nos pòtmòni. I ta nifiká tambe ku nos por kome mas fruta i berdura. Esei ta bon pa nos salú.



Uso di awa pa irigashon

- E aplikado mester traha un plan i skema di irigashon. Esaki ta forma parti di e aplikashon. Solamente despues ku direktorado di Espasio i Desaroyo a duna su aprobashon awa pa irigashon por keda entregá.
- No ta permití pa usadónan entregá e awa pa irigashon na tersera (otro hende).
- E awa pa irigashon mester a sak den tera denter di 24 ora.
- No ta permití apsolutamente pa usa e awa pa irigashon komo awa pa bebe ni pa hende ni pa animal.



Fruta i berdura

Evitá kontakto direkto di awa pa irigashon ku kultivonan ku ta destiná pa konsumo humano. Evitá tambe pa hende i animal no bini direktamente den kontakto ku awa pa irigashon. Ademas tin e siguiente kondishonnan:

- pa irigashon di berdura tin ku usa e sistemanan di 'drip'. Pone e sistemanan aki di tal forma bou den tera di matanan, kaminda e kontakto ku hende i tambe ku e tera muhá ta mínimo. Prevení tambe kontakto direkto ku e awa pa irigashon i berduranan;
- produktonan ku ta pa uso ku no ta wòrdu kushiná i ku ta bini direktamente den kontakto ku e awa pa irigashon (manera ora ku nan ta riba tera of a kai) no tin mag di ofresé esaki pa konsumo;

- no ta permití pa tereno di kunuku- i hòfinan ku ta usa awa pa irigashon keda aksesibel pa tur hende. Pone un hèki rondó di e área;
- kosechá kuminda di bestia despues di dos dia ku a usa awa pa irigashon;
- no ta permití pa usa awa pa irigashon pa e siguiente matanan:
 - mata ku blachi manera amsooi, warmus, sèlder i sla;
 - 'radijs', patia i siboyo.

Parkenan públiko

- Usa sistemanan di 'drip' pa irigashon pa parkenan públiko. Pone e sistemanan aki den tera bou di e matanan, kaminda e kontakto ku hende i tambe e tera muhá ta mínimo;
- Durante di irigashon di tereno ku yerba tin ku sigui e siguiente kondishonnan:
 - no ta permití pa sistemanan di sprui i spregu ta sprui mas ku 8 meter di diameter i 1 meter haltu;
 - ta permití irigashon solamente pa tuma lugá entre 24:00 i 07:00;
 - no usa e sistemanan di sprui i spregu den un distansia di 5 meter for di kaminda tin edifisio.



Area

E siguiente kondishonnan ta prinsipalmente di importansia pa irigashon di parkenan públiko:

- no ta permití pa den e área kantu di laman den un rayo di 10 meter for di e liña di marea haltu pa hasi irigashon i/ òf fertilisashon. Si ta permití irigashon ku awa potabel i awa di yobe no kon taminá;
- denter di e promé 500 meter for di e liña di marea haltu por usa solamente awa pa irigashon si esaki ta kumpli ku e eksigensianan di kalidat i si kumpli ku e otro kondishonnan;
- uso di awa pa irigashon denter di e promé 500 meter for di e liña di marea haltu no ta nifiká ku por usa mèst ku ta kontené nitrógeno di mas ku 49 kg pa hèktar pa aña.

Denominashon

- Tur pipanan di awa pa irigashon mes ter ta kompletamente separá i ku por distinguí esaki bon kla for di e pipanan di awa potable i e pipanan ku ta pa otro propósito.
- Instalashonnan pa e awa pa irigashon mester ta klaramente denominá/ marká.

Mas informashon

Por risibí mas informashon tokante uso di awa pa irigashon den agri- i hortikultura i pa parkenan públiko na e departamentu di Mantenshon i Obranan Públiko (LVV) di e entidat públiko di Boneiru. E departamentu ta situá na Kaminda Lagoen 32, (tel: 717-8836).

E foyeto aki ta kontené un publikashon breve i liber di e reglanan vigente. Den kaso di un konflikto no por apelá riba e publikashon aki. Semper, den kaso asina konsultá bo mes e leinan i reglamentunan.

UN DUSHI BONEIRU PA NOS I NOS YUNAN